



Broj: 03-50-1-1033-4/09  
Sarajevo 22. 12. 2009. godine

## ZAPISNIK

### sa 4. sjednice Nezavisnog odbora kao nezavisnog tijela policijske strukture u BiH

Sjednica je održana 22. 12. 2009. godine sa početkom u 9 sati i 30 minuta.

Sjednici su prisustvovali svi članovi Nezavisnog odbora: Žiko Krunić, Mato Jozić, Bakir Dautbašić, Viktor Dadić, Ljubomir Kuravica, Enes Obralića, Dragan Savić, Stanko Nuić i Zijad Kadić.

Pored članova Odbora sjednici su prisustvovali: Jasmin Ramović iz EUPM, Dijana Šatara iz OHR, Zoran Brkić iz Sektora za odnose sa javnošću PSBiH.

Sjednici je prisustvovala Alma Salkić-Mijić, koja je obavljala poslove sekretara Nezavisnog odbora i Željko Grubešić savjetnik u Nezavisnom odboru.

Sjednicu je otvorio predsjednik Žiko Krunić, koji je i sazvaio sjednicu.

Za sjednicu je usvojen predloženi:

### DNEVNI RED :

1. Usvajanje Zapisnika sa 3. sjednice Nezavisnog odbora,
2. Donošenje potrebnih odluka za raspisivanje javnih konkursa iz nadležnosti Nezavisnog odbora,
3. Tekuća pitanja

#### **Ad.1. Usvajanje Zapisnika sa 3. sjednice Nezavisnog odbora**

S obzirom da niko od članova Nezavisnog odbora nije imao primjedbi na Zapisnik sa 3. sjednice Nezavisnog odbora, on je jednoglasno usvojen.

#### **Ad.2. Donošenje potrebnih odluka za raspisivanje javnih konkursa iz nadležnosti Nezavisnog odbora**

U uvodu o ovoj tački dnevnog reda, predsjednik je informirao članove Odbora da je pripremio tekst Odluke o standardima za izbor, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine i tekst Odluke o raspisivanju javnog konkursa za direktore i zamjenike direktora policijskih tijela u BiH. Ukratko je iznio sadržaj teksta obje odluke i nakon toga otvorio raspravu o ovoj tački dnevnog reda.

Vodena je iscrpna rasprava o ovoj tački dnevnog reda u kojoj su učestvovali svi članovi Nezavisnog odbora.

Nakon obavljene rasprave o svim odredbama predloženog teksta Odluke o standardima za izbor, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine, članovi Odbora su jednoglasno odlučili da se naziv Odluke kao i cijeli tekst treba uskladiti sa terminologijom koja je utvrđena Poslovníkom o radu Nezavisnog odbora i Zakonom o nezavisnim i nadzornim tijelima policijske strukture u BiH.

Nakon što su se izjasnili o svim pojedinim tačkama Odluke pojedinačno i nazivu Odluke, članovi Nezavisnog odbora jednoglasno su usvojili **Odluku o uslovima i kriterijima za odabir, postupak ocjenjivanja i utvrđivanja rang-liste najuspješnijih kandidata otvorene konkurencije za izbor direktora i zamjenika direktora policijskih tijela Bosne i Hercegovine.**

Nakon toga članovi Nezavisnog odbora su jednoglasno usvojili **Odluku o raspisivanju javnog konkursa za direktore i zamjenike direktora policijskih tijela u BiH.**

### **Ad. 3. Tekuća pitanja**

U okviru ove tačke dnevnog reda članovi Odbora su sa osam glasova za i jednim suzdržanim glasom, usvojili **zaključak:**

„Nezavisni odbor kao nezavisno tijelo policijske strukture u BiH smatra da je u narednom periodu potrebno inicirati izmjenu člana 59. Zakona o policijskim službenicima BiH („Službeni glasnik BiH“ br. 27/04, 63/04, 5/06, 33/06, 58/06, 15/08, 63/08 i 35/09).“

U okviru ove tačke članovi Nezavisnog odbora vodili su raspravu i o potrebi izrade Izvještaja o radu Nezavisnog odbora za 2009. i Plana rada Nezavisnog odbora za 2010. i dostavljanju Parlamentarnoj skupštini BiH u skladu sa zakonom.

Članovi Odbora su se složili da se ovo pitanje stavi na dnevni red jedne od narednih sjednica, jer je raspisivanje konkursa za direktore i zamjenike direktora policijskih tijela u BiH ipak prioritet u odnosu na sva druga pitanja i rad Nezavisnog odbora u narednom periodu treba da se fokusira isključivo na ovo pitanje.

Članovi Odbora su ponovo spomenuli potrebu izrade iskaznica za članove Nezavisnog odbora kao i potrebu ažuriranja isplate naknade članovima Nezavisnog odbora.

Kako nije bilo drugih pitanja, predsjednik je u 14 sati i 20 minuta zaključio sjednicu.

Sekretar  
Nezavisnog odbora  
Alma Salkić- Mijić

Predsjednik  
Nezavisnog odbora  
Žiko Krunić